



SAOPŠTENJE ZA JAVNOST

Potvrđena optužnica i produžen pritvor Goranu Hubijaru zbog serije krivičnih djela teške krađe, narušavanja nepovredivosti doma, te neovlaštene nabavke i držanje oružja

(Brčko, 21.11. 2025. godine)

Osnovni sud Brčko distrikta BiH potvrdio je optužnicu i produžio pritvor Goranu Hubijaru (51)* iz Brčkog zbog postojanja osnovane sumnje da je izvršio produženo krivično djelo "Teške krađe", krivično djelo "Narušavanje nepovredivosti doma" i krivično djelo "Neovlaštene nabavke, držanja ili prodaje oružja ili bitnih dijelova za oružje".

Potvrđenom optužnicom Goranu Hubijaru na teret se stavlja da je u periodu od 1. septembra do 15. oktobra 2025. godine u Brčko distriktu BiH izvršio produženo krivično djelo "Teške krađe" u jednom ugostiteljskom objektu i jednom dvorištu porodične kuće, zatim da je izvršio krivično djelo "Neovlaštene nabavke, držanja ili prodaje oružja ili bitnih dijelova za oružje", te da je u jednoj porodičnoj kući izvršio krivično djelo "Narušavanje nepovredivosti doma".

Podsjetimo, 15. oktobra 2025. godine Policija Brčko distrikta BiH realizovala je akciju kodnog naziva „VALTER“ usmjerenu na sprečavanju izvršenja provale u jednu kuću u kojoj su zatekli, a potom slobode lišili naoružanog Gorana Hubijara. Cijeneći postojanje pritvorskih razloga, Osnovni sud Brčko distrikta BiH na prijedlog Tužilaštva Brčko distrikta BiH odredio je imenovanom licu jednomjesečni pritvor.

U izuzetno kratkom roku Tužilaštvo Brčko distrikta BiH je okončalo istragu podizanjem optužnice protiv Gorana Hubijara. Smatrajući da još uvijek postoji opravdana bojazan da bi boravkom na slobodi mogao ponoviti ili dovršiti krivična djela, a za koja se može izreći kazna zatvora tri godine ili teža kazna, uz optužnicu protiv njega je podnešen i prijedlog za produženje pritvora koji je sud prihvatio i produžio mu pritvor za još dva mjeseca.

U daljem toku ovog krivičnog postupka, nadležni sud će zakazati ročište za prethodno saslušanje odnosno ročište za izjašnjenje o krivici optuženog lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ